

古今合璧事類備要前集六十九卷後集八十一卷續集五十六卷

（宋）謝維新輯 別集九十四卷外集六十六卷 （宋）虞載輯 宋刻本（前

集卷一，十七至十九，二十一，四十一至四十二，五十三至五十五；別集二十七至三十，四十五至四十六，外集四十四配明抄本）。框高十七·一釐米，寬十一·五釐米。每半葉七行，行十五字，小字雙行二十四字，細黑口，左右雙邊。

謝維新，生卒年不詳。字去咎，建安（今屬福建）人。書前序末自署曰「膠庠進士」，蓋太學生。虞載，據《別集》卷端所題「建安虞載子厚編次」（卷一）、「建安虞載熙之編次」（卷二），則知亦為建安人，字子厚，熙之或其號。

是書前集三十九門，後集四十五門，續集九門，別集二十三門，外集四十一門。又細分子目若干（《四庫全書總目》所記門目數多有錯誤）。每目前為事類，後為詩集。徵引詳備，多注出處；而州郡等門，以祝穆《方輿勝覽》為備，不復載焉。《四庫全書總目》稱讚此書：「所收皆兼及宋代，雖不及《太平御覽》、《冊府元龜》諸書，皆根柢古籍，原原本本，而所採究皆宋以前書，多今日所未見。」《四庫全書簡明目錄》則稱：

「所列宋代官制，尤多史志所未詳」，故乾隆間修《歷代職官表》，引用此書甚夥。

書有寶祐丁巳（五年 一二五七）謝維新自序，稱：「友人劉兄（按，據莆田守黃叔度似道跋，則『友人劉兄』名德亨）以類書見囑，且以《合璧事類備要》名」，「是編始而天文地理，次而節序人物，以至族屬官職姓氏之分，儒學仕進道釋技藝之等，與夫吉凶慶吊冠婚喪祭之儀，草木蟲魚器用動什之末，莫不類而得其備，備而得其要」，「遂繡諸梓」。可知此書於寶祐五年成書並付梓。

此版《後集》卷一「聖學」、「聖制」條下列「皇上」云云，並記「嘉熙中」「淳祐初」「歲在乙卯」等年號、甲子，則其記事已至寶祐乙卯（三年 一二五五）。《續集》卷七「類姓」門「宗趙」目下有「仙源積慶圖」，條列「高宗、孝宗、光宗、寧宗、今上皇帝」，知其確為宋理宗朝刻本無疑，亦即是書之寶祐五年初刻本，至為可寶。書中避宋帝名諱，貞、恒、桓、慎、敦、廓等字多缺末筆，卻並不謹嚴，且多俗字，大抵其時刻於福建書坊。

此本各卷中多鈐「大冢宰從孫句容曹淇文漢謹識」木記，共百三十三字。又有「曹

淇書籍子孫寶之」、「海鹽張元濟經收」、「涵芬樓」等印記。「句容曹淇」或即曹義後嗣。曹義（一三八六—一四六一）字子宜，句容人。官至南京吏部尚書，致仕卒。《尚書·周官》記「冢宰掌邦治，統百官，均四海」，即後世吏部尚書所執掌。今藏中國國家圖書館。（張燕嬰）